



Broj: 02-02-2-1040-2/26
Sarajevo, 07.09.2026.

N/r Direktora

PREDMET: Poziv bh. kompanijama za učešće u poslovnoj posjeti „Međunarodnom sajmu zelene i cirkularne ekonomije ECOMONDO“, 02-04.11.2026. Rimini, Italija

Poštovani,

U periodu od 2-4.novembra 2026. godine Vanjskotrgovinska/Spoljnotrgovinska komora Bosne i Hercegovine (VTK/STK BiH) organizirat će poslovnu posjetu „**Međunarodnom sajmu zelene i cirkularne ekonomije ECOMONDO**“, Rimini Italija, te Vas poziva da uzmete učešće u istoj.

O sajmu ECOMONDO

Sajam Ecomondo je jedan od najznačajnijih međunarodnih događaja posvećenih održivom razvoju, cirkularnoj ekonomiji, upravljanju otpadom i zaštiti životne sredine. Održava se svake godine u Riminiju, Italija i okuplja stručnjake, kompanije, istraživače i institucije iz različitih sektora, uključujući energiju, vodu, otpad i tehnologije reciklaže.

Economondo pruža platformu za razmjenu ideja, inovacija i tehnologija koje doprinose ekološkom napretku. Na sajmu se predstavljaju najnovija rješenja i proizvodi koji podržavaju prelaz na održive industrijske modele, a učesnici imaju priliku da se povežu sa potencijalnim partnerima i investitorima. Također, Ecomondo uključuje brojne konferencije, radionice i seminare na kojima se diskutuje o aktuelnim izazovima i prilikama u oblasti zaštite životne sredine. Ovaj sajam je od ključne važnosti za one koji žele da ostanu u toku sa trendovima i inovacijama u sektoru zelene ekonomije i održivog razvoja..

Kategorije izložbenih proizvoda i usluga

Na sajmu ECOMONDO izložbeni proizvodi su podjeljeni u nekoliko glavnih kategorija koje obuhvataju različite aspekte održivog razvoja i cirkularne ekonomije:

1. Upravljanje otpadom i resursima
2. Cirkularna ekonomija i regeneracija zemljišta
3. Voda i tretman otpadnih voda
4. Obnovljivi izvori energije
5. Pametni gradovi i mobilnost
6. Industrija 4.0 i digitalizacija

Više informacija o sajmu i izlagačima možete naći na web stranici sajma: <https://en.ecomondo.com/> .



Usluge VTK/STK BiH i organizatora sajma za bh.kompanije učesnice poslovne posjete

- Organizacija hotelskog smještaja i pokrivanje troškova 2 noćenja za po jednog predstavnika bh. kompanija (2-4.11.2026)
- Organizacija i pokrivanje troškova transfera učesnika bh. delegacije od aerodroma do hotela i nazad (aerodrom u Bologni)
- Organizacija i pokrivanje troškova transfera učesnika od hotela do sajma i nazad
- Besplatne ulaznice za sajam za učesnike bh. delegacije

Kriteriji za odabir kompanija – učesnica u posjeti:

- Bh.kompanije tj. njihovi predstavnici (menadžeri/konsultanti/eksperti) koji su uključeni u cirkularnu ekonomiju, obnovljive izvore energije ili energetske efikasnosti i/ili žele upoznati nove tehnologije, strategije i pristupe koji podržavaju prelazak na održivije modele poslovanja.
- Kompanija je spremna snositi troškove avio karte/prevoza za svog predstavnika
- **Kompanija je aktivni član VTK/STK BiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj 30/1 i 72/1**

Molimo Vas da, ukoliko ste zainteresirani da uzmete učešće u ovoj poslovnoj posjeti i prihvatate navedene uslove, popunite **priloženu prijavu** i dostavite je putem e-maila: aida.vidimlic@komorabih.ba **najkasnije do srijede 23.09.2026. godine.**

Potpisana i ovjerena **četiri originalna primjerka Ugovora o reguliranju obaveza u posjeti sajmu**, potrebno je **obavezno poslati i poštom na adresu Vanjskotrgovinska/Spoljnotrgovinska komora BiH, Branislava Đurđeva 10; 71000 Sarajevo**, sa naznakom PRIJAVA ZA ECOMONDO 2026.

Za više informacija o učešću u posjeti, kontakt osoba je **Aida Vidimlić (tel.033 566 233)**

Za organizaciju posjete Ecomondo 2026 potrebno je imati najmanje 4 prijavljene i kroz selekciju odabrane kompanije, u suportnom VTK/STK BiH zadržava pravo otkazivanja organizacije.

Nadajući se Vašem interesu za učešćem u ovoj poslovnoj posjeti, te očekujući prijavu Vaše kompanije uz potpisan i ovjeren Ugovor, ostajem

S poštovanjem


DIREKTOR
Enes Ališković

